

كلمات زفة العيون الساحرات

في جمالك من يلوم الشعر لو حس بقصور أو تعثر بين حسنك والعيون الساحرات
ويا (عريب) لك حضور يحبس أنفاس الحضور وإبتسامة من حلاها تختصر عشرة بنات

والعريس اللي ظفر بك في وفا القلب مخبور
والنعم بك يا (تامر) جامعن زين الصفات
معدنه غالي ونادر ما يطيح ولا يبور
كل ما قالوا (تامر) قيل يا نعم الطراة

صان حبك وسط قلبه ياغلا بأجمل شعور
قال مابي غير (عريب) هي شريكة بالحياة
وانتي ياللي لك حضورن يحبس أنفاس الحضور
وابتسامة من حلاها تختصر عشرة بنات

أي وصف وأي مدح وأي أحاسيس وشعور تنصفك ي (عريب) وإنتي جامعة كل الصفات
ناعمة قد وعيونك ليل ومحيالك نور هادية مثل النسيم وضحكك سكر نبات

وحدك اللي لا حكيتي فاح الأصلي من البخور وحدك اللي لا سكتي يا بخت حتي السكات
طلتك مثل السعادة فيها شي يبعث سرور تدخل القلب وتشع الطيبة في كل الجهات

ياعسى (تامر وعريب) في محبة وفي سرور
وياعسى ربي يحقق حلمهم والأمنيات
ودعوة التوفيق منا ورددوا يا حاضرين
ربي يجمع بالمحبة بينهم طول الحياة